

**#hoxeleoen**



**BIBLIOTECA E  
SECCIÓN DE TURISMO  
DEPUTACIÓN DA CORUÑA**

**DIRECCIÓN**

Rúa Rego de Auga, 37  
15001 A Coruña

**TELÉFONO**

981 080 176

**CORREO ELECTRÓNICO**

[biblioteca.info@dacoruna.gal](mailto:biblioteca.info@dacoruna.gal)

**PÁXINA WEB**

[www.dacoruna.gal/biblioteca](http://www.dacoruna.gal/biblioteca)

Buscando  
escenarios de lectura  
pola provincia da  
Coruña (7ª ed.)

do 8 de xullo ao 31 de agosto



# Bases do concurso

## 1. Primeira. – Obxecto

O obxecto do concurso é a dinamización e animación á lectura e a difusión do patrimonio paisaxístico e cultural dos concellos da provincia da Coruña. Para elo a Biblioteca Provincial xunto coa Sección de Turismo da Deputación da Coruña convocan un concurso de fotografías que amosen os lugares da provincia da Coruña onde os lectores desfrutan dos libros e a lectura durante o verán.

## 2. Segunda. – Participantes

Poderán participar tódalas persoas físicas, maiores de idade, usuarios ou non da Biblioteca Provincial da Deputación da Coruña, de xeito libre. Quedan excluídas todas aquelas persoas con calquera tipo de relación laboral coa Biblioteca Provincial e coa Sección de Turismo da Deputación da Coruña.

## 3. Terceira. – Formato

As fotografías deberán ser tomadas dende un lugar da provincia, e debe aparecer nelas o libro que se está lendo. As fotografías deben ser compartidas nas redes sociais, co título do libro, o lugar onde foi tomada a fotografía e a etiqueta do concurso #hoxeleoen.

- A participación pode ser a través de : Twitter, Instagram e Facebook ou correo electrónico.
- Quen participe a través das redes, deberá remitir un correo electrónico a [biblioteca.info@dacoruna.gal](mailto:biblioteca.info@dacoruna.gal) coa fotografía participante, título do libro, os seus datos persoais, teléfono e correo electrónico.
- Cada participante pode compartir un máximo de 2 fotografías, cada unha nun lugar diferente e cunha lectura distinta.

- O formato da lectura da que estén desfrutando os participantes pode ser calquera: en papel, en lector de libros electrónicos, tableta, ordenador, teléfono... Poden ser un libro, banda deseñada, revista, audiolibro, libro electrónico...

## 4. Cuarta. – Forma de presentación

A presentación das fotografías será a través das seguintes canles:

- **Twitter:** compartir imaxe en público, indicar o lugar e o título do libro, mencionar e seguir á @bibliodacoruna ou a @DACTurismo e engadir a etiqueta #hoxeleoen e remitir os datos referidos na base terceira..
- **Instagram:** compartir imaxe en público indicar o lugar e o título do libro, mencionar e seguir á @bibliodicoruna ou a @DACTurismo e engadir a etiqueta #hoxeleoen e remitir os datos referidos na base terceira.
- **Facebook:** facer un comentario na entrada do concurso da páxina da Biblioteca ou na do Sección de Turismo da Deputación da Coruña, indicando o lugar e o título do libro e xuntando a foto e remitir os datos referidos na base terceira.
- Correo electrónico: enviar a foto a [biblioteca.info@dacoruna.gal](mailto:biblioteca.info@dacoruna.gal) indicando o lugar e o título do libro, e poñendo no asunto a etiqueta #hoxeleoen e remitir os datos referidos na base terceira

## 5. Quinta. - Prazo de presentación

O prazo de presentación das fotografías é do 8 de xullo ao 31 de agosto de 2019, ámbolos dous incluídos. Non entrarán no sorteo fotografías presentadas fora deste prazo.

## 6. Sexta. - Premio

Establécese un único premio que se concederá por sorteo entre tódalas fotografías participantes. O premio consistirá nunha **viaxe cultural a unha capital europea** dúas persoas. A data será concretada coa persoa gañadora unha vez concedido o premio.

Os días de disfrute da viaxe serán concretadas unha vez fallado o premio, segundo dispoñibilidade da persoa gañadora.

A persoa que resulte galardoada no sorteo recibirá a comunicación do premio o día 9 de setembro polo mesmo medio no que participou, e/ou polos datos de contacto remitidos obrigatoriamente por correo electrónico.

Asimesmo, publicarase o gañador nas tres redes sociais mencionadas (Twitter, Instagram e Facebook) e na páxina web da Biblioteca. Ademais, todas as persoas participantes que cumpran as bases recibirán un agasallo por correo postal.

## 7. Sétima. –Entrega do premio

A data do acto de entrega do premio, que terá lugar na Biblioteca da Deputación da Coruña, será anunciada xunto co nome do gañador o día 9 de setembro. É requisito imprescindible para a aceptación do premio a recollida presencial deste no acto público que se detallará o día do anuncio do nome do gañador.

## 8. Oitava. – Dereitos e deberes

A participación no concurso leva aparellada a autorización para publicar as fotografías e os seus datos nos diferentes medios impresos e dixitais que utiliza a Biblioteca, incluídas as redes sociais. As fotografías presentadas ao concurso de xeito incompleto ou que non se axusten ou incumpran as bases, así como aquelas de contido inadecuado, serán excluídas.

A participación no concurso implica a aceptación total destas bases, e que os participantes se fan responsables da autoría e contido das fotografías, que non vulnerarán os dereitos de honra, intimidade persoal / familiar e á propia imaxe de terceiros.